



Hasi da Agoizko egur planta berria eraikitzen

Dagoeneko hasi dira Agoizko industrialdean zura industrializatzeko fabrika berria eraikitzeko eta urbanizatzeko lanak. Duela gutxi, Nafarroako Gobernuak proiektu hori kontratatzeko baimena eman zion Nasuvinsari. Lizitazioaren zenbatekoa 5.352.500 eurokoa da, BEZik gabe. Construcciones Guillén izanen da obra eginen duen enpresa, eta kalkuluen arabera, lanek 6 hilabete inguru iraunen dute. Nasuvinsatik adierazi dutenez, 2024ko abendurako proiektua amaituta egonen litzateke.

Zehazki, Nasuvinsak industria-nabe bat egiteko eta haren ingurua urbanizatzeko inbertsioa

eginen du, Ensambla Madera Madergia Taldeko enpresak alokairu bidez (25 urteko epean eta erosteko aukerarekin) ustiatuko duena. Pabiloian zurezko eta bestelako material jasangarritzko eraikuntza-elementuak eginen dira. Aktibitateak honako azalerak hartuko ditu: lantegiak, 9.979 m²; bulegoek, 325 m²; eta kanpoko urbanizazioak, 20.239 m².

50 lanpostu sortu nahi ditu Madergiak Agoitzen, ekoizpen planta berri horrekin, eta balio katea handituko du, gutxiago eraldatutako produktuak jasotzeko eta obretarako elementu bukatuagoak lortzeko. Enpresa erreferentea

da bere sektorean; izan ere, 900 proiektu baino gehiago garatu ditu eta 19 urteko esperientzia du eraikuntza jasangarri eta energetikoki efizienteak egiten. Gaur egun Antsoainen ditu bulegoak eta produkzio-zentro bat Orikainen.

Agoitzen lantegi berria irekitzea enpresaren inbertsio planaren barruan sartzen da, zurean eta bestelako material jasangarrietan oinarritutako eraikuntza sistemak sortzeko lerro industrial automatizatuak eta robotizatuak garatzeko. Bere jardueraren barruan sartzen da zurezko eraikinak eta egiturak diseinatu, fabrikatu, hornitu eta obran instalatzea.



Irati Padel, Agoizko kirol espazio berria

Imanol Otano Gutiérrez agoizkoa da duela gutxi Nasuvinsak egin dituen estreinatu berriko pabilioietan errentamendu erregimenean ezarri den ekintzaileetako bat. Elkarte publikoak Solano enpresarena zen pabilioian egindako jardueraren ondorioz, 11 espazio sortu dira, beste hainbeste enpresa-proiektuetarako. Esku-hartze hori Nafarroako Gobernuaren estrategiaren barruan kokatzen da, ekintzailetzari laguntzeko guneak sustatzeko, dinamizazio sozial eta ekonomikoko faktore gisa, landa-eremuari bereziki eragiten dion despopulazioaren fenomenoaren eteteko.

Otanoren proiektua, "Irati Padel" izenekoa, alokatzeko padel bi

pista dira. Pista horiek bakarrak dira Agoitzen. Jende askok egiten du kirol mota hori, eta Iruñera joan behar izaten zuten orain arte.

Gaur egun, padelan aritzea erraza denez, gehien egiten den kiroltako bat eta benetako fenomeno soziala bihurtu da. Adin eta sexu talde guztietan aisialdia okupatzeko gehien aukeratutako kirola da. Gainera, taldean jokatuz elkartasuna sustatzen duen kirola da.

Proiektu horrekin aisialdiko kirol zerbitzu berri bat sortzen da, Agoitzen ez ezik, Pirinio aurreko eta Pirinioetako eremu osoan ere ez dagoena. Zerbitzua erabat domotizatuta dago, eta urteko 24

orduetan eta 365 egunetan erabil daiteke. Erreserbak Resasports plataformaren bidez egin daitezke. Sustatzaileak padel palak jarri ditu sarreran, instalazioak probatu nahi dituenaren eskura sarreran. Horrela, hasiera batean, ez da materialik erosi behar.

Pistak kirola egiteko alokatzeaz gain, txapelketak, ikastaroak eta jarduerak ere programatu dira, eta Instagram@iratipadel kontuaren bidez sustatuko dira.

Proiektuak Cederna-Garalurren lankidetzan izan du eta Toki Garapen Parte-hartzaileako Programaren (EDLP) finantzaketa Nafarroako PEPAC 2023-2027ren barruan.



Lan eskaintza: ofizial administraria

Agoizko Udalak, 2024ko maiatzaren 2an egindako osoko bilkuran, lan-arabide finkoko ofizial administrari lanpostua betetzeko deialdia egitea erabaki zuen. Lehiaketa-oposizio bidez betetzeko eskaintza da, Herritarrentzako Arreta Arloan aritzeko, ofizial

administratibo gisa (plantilla organikoan agertzen den moduan). Ezinbesteko baldintza da euskarazko C1 maila edukitzea. Eginkizunak beren mailari eta kategoriarri (C) dagozkienak izan dira, eta horien barruan sartzen dira udaleko administrazio-zerbit-

zuei laguntzea eta jendeari arreta ematea. Eskaintzaren baldintzak betetzen dituzten interesdunek baldintzaren dokumentazio guztia eskuratu ahal izanen dute udalaren webgunean. Lanak aurkezteko epea ekainaren 23an amaituko da.

Udal brigadari laguntzeko udako kontratazioak

Uda honetan, Agoizko udal brigadako plantilla indartuko da, sei langile berri lanean hasiko baitira. Joan den maiatzaren 2tik, zerbitzu anitzetako lau langilek bat egin dute lantaldearekin, eta sei hilabeteko kontratua izan dute. Zeregin nagusia eguneroko garbiketara zerbitzuetan eta herria etengabe hobetzen laguntzea izanen

105.500 euro, Ekaiko Zerrategi auzoa biziberritzeko

Nafarroako Gobernuaren eta EH Bilduren arteko 2024rako aurrekontu-akordioari esker, 105.500 euroko partida esleitu ahal izan da, Ekaiko Zerrategi auzoan, El Irati S.A. lantegia izan zenaren lekuan, hirigintza-ekintzak bultzatzeko. Finantzaketa hori Lurralde Kohesiorako Departamentuaren eta Lurralde Antolaketako Zuzendaritza Nagusiaren bidez kudeatuko da.

Inbertsio horren helburu nagusia zerrategi zaharraren lurra erostea da, gaur egun partikular baten jabetzan dagoena, lurzoru publiko bihurtzeko. Agoizko alkatea Ángel Martín Unzuék ekimen honek inguruko ondare industriala berreskuratzeko duen garrantzia azpimarratu du. Aurten, esku-hartze hori gauzatzeko hainbat estrategia aztertuko dira, beste proiektu arrakastatsu batzuk erreferentziatzen hartuta, hala nola Artziko Jauregia berreskuratzea.

Lurralde Kohesioeko Departamentua proposamen zehatzak prestatzen ari da, eta proposamen horiek Itoizko Batzordearen bitartez tokiko alkateekin egiten den hurrengo bileran eztabaidatuko

da. Datozen hilabeteetan, langile kopurua handitu dela aprobetxatuz, hainbat hobekuntza eta instalazio berriak egingen dira Agoizko hainbat lekutan. Kontratazio horiek Nafarroako Gobernuak babes-ten ditu ekonomikoki, Nafarroako Enplegu Zerbitzuaren bitartez. Gainera, Oinarritzko Gizarteratzeko Errenta (RIIS) jasotzen duten

bi pertsona sartu dira, eta hamabi hilabetez ari dira beren eginkizunak lanaldi osoan betetzen.

Langile berri horiekin, udal brigada prestatzen ari da udan zehar izanen duten lan karga handiari aurre egiteko eta Agoizko herritarrei eskaintako zerbitzuak hobetzeko.

dira, eremuaren babesa lortzeko.

Ekaiko Zerrategiaren auzoa, gaur egun abandonatuta eta hondatuta dagoena, leku enblematikoa eta interes historiko handikoa da. Irati SAK, Iratiko pagadia ustiatzea helburu nagusi zuen enpresak, 1908an eraiki zuen, ibaira jaisten zen egurra lantzeko. Egurra behin zura edo beste elementu batzuk bihurtuta, bere tren elektrikoan kargatzen zen Iruñera eramateko. Landare-ikatzak fabrikatzeko eta hainbat produktu kimiko destilatzeko instalazioarekin batera, Ekaiko zerrategiak hirurogeita hamar urtez eman zion lana Longidako, Agoizko eta inguruko beste herri batzuetako pertsona askori.

Leku hori Iratiko Bide Berdearen eta EuroVelo 3 bizikleta ibilbidearen barnean sartzeko ere aintzat hartzen ari da, eta horrek bultzada berri bat eman diezaiolke bere biziberritzeari.

luz, partaidetza-prozesu bat egin zen, Gobernuak 18.000 euroekin finantzatutakoa eta Ahora Clima erakundeak gauzatu. 286 pertsonak parte hartu zuten, eta 72 ekintza proposamen jaso ziren. Iradokizunen artean, honako hauek nabarmendu daitezke: dauden egiturak sendotzea, espazioa babestea, altzariak zaharbertzeko prestakuntza-zentro bat sortzea, eta tximinia bezalako elementu historikoak berreskuratzea.



Agoizko udalak txikiagotu du bere zorra

Nafarroako udalek bankuen zor bizia % 74,5 murriztea lortu dute 2011tik, eta 2022aren amaieran 77,9 milioi eurokoa izan da. Etengabeko murrizketa joera hori 2012ko Aurrekontu Egonkortasunari buruzko Legearen eta inbertsioetarako laguntzen murrizketaren ondorio da, legeak kreditu berrien beharra mugatzen baitu. Horren ondorioz, Nafarroako 272 udalerriek finantza betebeharrak etengabe murriztu dituzte, eta azken lau urteetan % 42,1eko murrizketa izan dute. Udalen egoera ekonomikoa "saneatutzat" jo dute Kontuen Ganberak eta Nafarroako Udal eta Kontzejuen Federazioak. Oso esanguratsua da Agoizko Udalaren

URTEA	PER CAPITA ZORRA	GUZTIZKO ZORRA (m €)	BIZTANLEAK
2022	91 €	262	2.881
2021	136 €	377	2.778
2020	179 €	497	2.777
2019	244 €	658	2.695
2018	280 €	734	2.624
2017	285 €	729	2.561
2016	343 €	880	2.564
2015	409 €	1.064	2.601
2014	312 €	820	2.629
2013	315 €	846	2.684
2012	361 €	953	2.640
2011	333 €	857	2.571
2010	342 €	870	2.544
2009	359 €	884	2.464
2008	76 €	179	2.354

kasua, bere zorra % 64,27 murriztea lortu baitu. 2018an 734.000 euro izatetik 2022an 262.000 euro izatera igaro baita. Atzerago

begiratzuz gero, jaitsiera are nabarmenagoa da; izan ere, 2015ean, zorrak goia jo zuenean, 1.064.000 eurokoa zen.

'MemOrIAZ', memoria historikoan barna

Agoizko Bigarren Hezkuntzako Institutuak "MemOrIAZ" izeneko proiektua ezarri du, DBHko 4. mailako ikasleak tokiko historiarekin konektatzeko, bereziki Gerra Zibilarekin eta errepresio frankistarekin zerikusia duten gertaerekin.

Diziplinarteko proiektu honek ikasleen interesa piztu du, beren historiaren alderdi ezezagunak aurkitu baitituzte, hala nola lehen oharkabean pasatzen ziren izenak,

tokiak eta ekitaldiak. Apirilean zehar, hainbat jarduera egin ziren, hala nola Sartagudako Memoria-ren Parkera joatea eta gaiarekin lotutako antzezlanak ikustea.

Proiektuaren diseinuan ikasgai desberdinetako hamar irakaslek parte hartu zuten, eta gai hauei buruzko eduki teorikoak eta ikerketak landu zituzten: emakume errepresaliatuak, Memoria Lekuak, Gerra Zibilaren kirol-ondorioak,

errepresaliatuaren estatistikak Nafarroan, Biologia Forentseko teknikak eta Gerra Zibila aztertzea zinema, musika eta euskal literaturaren bidez. Gainera, tokiko eragileen eta elkarten laguntza izan zuten. Azken gymkana hiru hilekoaren amaiera izan zen, non ikasleak herriko leku esanguratsuetan ibili ziren, hala nola okindegi zaharreen, osasun zentroan eta frontoiko monolitoan, Gerra Zibilean eraildakoak gogoratzen dituen. Ikasleek modu dibertigarri eta praktikoan ikasitakoarekin pozik zeudela adierazi zuten, eta inpaktu emozionala eta tokiko historian jakin-mina sortzea nabarmendu zituzten.

Irakasleek proiektuak izandako arrakasta nabarmendu zuten, eta ikasleen interesa eta pentsamendu kritikoa pizteari dagokionez eta ezagutza horiek etorkizunerako gordeta izanen dituztelako.



“Aniztasuna, aberastasun iturri” lehiaketako saria, Agoizko San Migel IP-arentzat

Nafarroako Gobernuak, Memoriaren eta Bizikidetzaren Zuzendaritza Nagusiaren bitartez, "Aniztasuna, aberastasun iturria" Eskola Lehiaketa antolatu du 2018. urtetik. Nafarroako Lehen Hezkuntzako, Bigarren Hezkuntzako eta Lanbide Heziketako ikasleak aniztasunari buruz hausnartzera eta desberdina errespetatzen duen gizartearen eraikuntzan begirada inklusiboa eta positiboa lantzerako animatzeko asmoz sortu zen lehiaketa. Ekimen

honek balioan jartzen ditu gizarte plurala izateak eskaintzen dizkion aukerak, bizikidetzaren aberastuten dutenak.

"Ispiluak" izenburupean, Nafarroa osoko 1.776 ikasleren 67 talde-lan jaso zituen aurten lehiaketak. Balararten egindako ekitaldi batean, Nafarroako hamar ikastetxek aintzatespena jaso zuten egindako lan pedagogiko nabarmenagatik eta ikasleen garapen integralari egindako ekarpenagatik. Lehen

Hezkuntzako 1. eta 2. mailako euskarazko kategorian, Agoizko San Migel Hlko 1. taldearentzat izan zen saria.

Saritutako ikastetxeak ebaluazio-prozesu zorrotz baten ondoren hautatu ziren, eta prozesu horrek hainbat irizpide hartu zituen kontuan, hala nola hezkuntza-berrikuntza, gizarteratzea, eskola-komunitatearen parte-hartzea eta emaitza akademikoak.



Jaietako kartel lehiaketa deitu da

Abuztuko jaiei begira, Agoizko Udala, Kulturgunea parte-hartze foroaren bitartez, egitaraua prestatzen ari da. Lehenengo ekitaldien artean kartel lehiaketa dago, maiatzeko osoko bilkuran onartu dena eta aurten bere hogeita bosgarren edizioa ospatzen duena. Lehiaketaren oinarriak Udalaren webgunean, Udaletxeko bulegoetan eta Kultur Etxean daude eskuragarri, eta oraingo honetan berrikuntza bat izanen dute. Jaiaren irudi adierazgarri bihurtu nahi duten obrak originalak izan

behar dira, eta adimen artifiziala baliabide sortzaile gisa erabiltzeak lanak baztertzea ekarriko du.

Lehiaketa bi modalitate ditu: bat artista helduena eta bestea haur eta gazteena. Azken kategoria horretan hiru azpikategoria ezartzen dira: 5-7 urte, 8-12 urte, eta 13-16 urte. Sariak modalitatearen arabera izanen dira: 500 euro helduentzat, 5 eta 7 urte bitartekoentzat, 50 euro 8 eta 12 urte bitartekoentzat eta 75 euro 13 eta 16 urte bitartekoentzat. Jatorriz-

koak onartzeko epea ekainaren 14an amaituko da, eta udal bulegoetan aurkeztu behar dira. Epaimahaiak irabazleak aukeratuko ditu haur eta gazteen kategorian, eta hiru finalista aukeratuko ditu helduen kategorian aurkeztutako kartelen artean. Ondoren, herritarrek parte hartzeko aldi bat irekiko da, Agoizko herritarrek gustukoena duten kartelaren aldeko botoa eman dezaten. Kartel hori izanen da lehiaketaren irabazlea, eta jaiak sustatzeko eta egitarau ofizialaren azala ilustratzeko erabiliko da.

Agoitzek sanisidroak ospatu ditu giro eta partehartze handiz

Agoitzek sanisidroak ospatu zituen berriro, arrakasta handiz eta herritarren parte-hartze nabarmenarekin. Jai horiek leku nabarmena dute agoizko guztien egutegian, eta jardueraz eta giro onez betetako lau egun eskaini zituzten.

Ostiral arratsaldean, hilak 10, eman zitzaion hasiera jai-agendari, kirol ekitaldi batekin. Udala Pilota Eskola Agoizko Txapelketako finalak antolatu zituen. Bertan, Ibai De Gracia Oroz eta Jon Martín Villanueva, Amets Ardanaz Arcelus eta Eneko Mirón Munilla, eta Unax Arcelus Ugalde eta Peio Carballo Larrañeta izan ziren txapeldun, talde bakoitzak bere kategorian.

Larunbata kirol erronka bizi batekin hasi zen, Axarimendia ton-torrera igotzea (723 m) Agoiztik abiatuta. Sarean-en tokiko eta

eskualdeko artisautza merkatuak bederatzigarren edizioa ospatu zuen, askotariko postu eta produktuak izan zituen. Leku berean eta ordu berean, Agoizko gomazko erraldoien aurkezpena egin zen. Bi pieza berri dira, aurten 50. urteurrena ospatzen duen herriko konpartsaren familia osatzeko.

Bazkari herrikoiaren aurretik, Iraunkorrek txaranga tolosarrak bermuta alaitu zuen. Larunbat arratsaldea eta gaua ekitaldiz bete ziren, Angiluerrekan dantzaldiak, zezenuzkoak, Agoizko Burrubaren perkusioa eta Iraunkorrek taldearen kalejira berria.

San Isidro aurreko egunean, arratsalderako programatutako haur-jolasak eskoletako estalpera eraman ziren, eguraldi txarra zela eta. Hilarion Eslavaren salbea abestu zuen San Migel Abes-

batzak urtero egiten ohi duen moduan. Ondoren, Merkatu plazan sua, txorizo eta ardo banatu ziren, Agoizko Gaiteroek girotutako zezenuzkoaren ateraldiaren aurretik.

Maiatzaren 15ean, San Isidro egunean, Milaur taldeak jo zituen dianak. Ondoren prozesioa, meza eta kalejira egin zen Erraldoi eta Buruhandien Konpartsarekin. Agoizko Jubilatua, Alargun eta Pentsiodunen Plataformako Kantuz taldeak, gitarrekin batera, euskarazko eta gaztelaniazko kantuekin osatutako kantutegia eskaini zuen. Ospakizuna borobiltzeko, 85 mahaikide bildu ziren antolatutako bazkarian.

Arratsaldean, txokolata banatu ondoren, gaiteroen eta dantzarien arteko ohiko lehiak bukaera eman zion ospakizunari.



Euskararen erabilera soziala sustatzeko eta sentsibilizatzeko lankidetzak

Nafarroako Gobernuak eta Topagunea elkarteak lankidetzak-hitzarmena sinatu dute Nafarroan euskararen erabilera soziala indartzeko, batez ere gazteen artean. Akordioak 155.000 euroko zuzkidura izanen du, eta, besteak beste, "Euskarak 365 egun" programa garatzeko eta "Euskaraldia" diseinatzeko aukera emanen du.

"Euskarak 365 egun" programaren helburu nagusia hiztunen artean euskararen erabilera sustatzea da, eta aurten bi ekimen izanen ditu. Bat gazteentzat da, eta bigarrena,



egunerokoan hurrekin harremanetan dauden helduentzat.

"Euskaraldia" ekimena hainbat eragile sozial eta instituziona-

len arteko ekintza bateratutik sortu da, eta euskararen erabilera bultzatzea eta euskararen erabileraren aldeko jarrerak aktibatzea du helburu, herritarren hizkuntza-ohituretan eraginez. Hitzarmen honi esker, Topaguneak, aurreko edizioetan bezala, tailerrak eta saioak egin ahal izanen ditu hala eskatzen duten eskualde eta herrietan.

Erakunde publikoen eta gizarte-eragileen arteko lankidetzak funtsezkoa da euskararen erabilera gizartearen indartzeko.

Agoitz Hiria XVII. Ipuin Lehiaketako sariak banatu dira

Agoitz Hiria Narrazio Laburren Lehiaketako sariak banatzeko ekitaldia egin zen berriz ere Kultur Etxean. Aurten, 171 banakako kontakizun aurkeztu ziren euskaraz eta 81 gaztelaniaz, gehi Lehen Hezkuntzako 1. eta 2. mailakoek batera egindako 3 lan gehiago.

Pantxika Lamurrek, Ainhoa Juá-

nizek antzeztuak, bere zeremonia-maistra papera errepikatu zuen, bi hizkuntzetako kategoria eta ziklo ezberdinetako irabazleak banan-banan iragarritz. Lamurrek, trebetasun handiz eta umore onez, ekitaldia zuzendu zuen, epaimahaikideek, eskolako ordezkariak eta udalbatzako ordezkariak lagunduta, eta sari eta

diploma banaketan parte hartu zuten, dibertimenduz beteriko gala batean. Ekitaldia izan zen, halaber, saritutako kontakizunak biltzen dituen liburua aurkezteko aukera. Zorionak irabazleei, lehiaketan parte hartu duten guztiei eta dagoeneko hamazazpi edizio lortzea posible egiten dutenei.



Kultur balantzea

Sanisidroetako programazioaz gain, kultur jarduerak bere ohiko dinamikari jarraitu zion eta hainbat ekitaldi eskaini zituen maiatzean.

Antzerkiak ireki zuen hileko programazioa. Erretiratuen, Alargunen eta Pentsiodunen Plataforma eszenatokira igo zen (bi saio programatu ziren) "Un mal entendido" obrarekin, eta arrakastatsua izan zen, bai ikusle kopuruari dagokionez, bai harrerari dagokionez.

Errekatzaile eta gantxeroen ondarea berreskuratu eta aitortzeko, nazioarteko ondare immateriala, Chelva (Valentzia) eta Agoitz arteko harremanak estutu zituen jardunaldi bat ospatu zen. Valentziako lehen gantxero taldeak 1911n iritsi ziren Agoitzera, eta enborrak Ekaiko El Irati, SA. enpresaren zerrategiraino jaisten lan egin zuten. "Los pastores del bosque flotante" dokumentalaren proiektzioak eta langile horien aditu eta ondoren-

ikusezintasuna erakusteko eta agerian uzteko egindako da.

Bilaketak Umafyren ikasturteari amaiera emateko ekitaldia egin zuten. Gainera, José Hierro aretoan, informatika ikastaroko ikasleek egindako erakusketa bat programatu zuten.

"Artista txikiak" egutegi akademikoa ixteko ikastetxeko ikasleek urtero egiten duen erakusketa ere



"Bat bitan. Notas, borriones, partituras y otras escrituras al oído" izan zen Uholdeak izeneko programa kuratorialaren eta erakusketakoaren bosgarren edizioaren proposamena. Agoitzera iritsi zen musikara bideratutako idazketa artistikoari eskainitako lanen lagin batekin. Erakusketa honekin batera zuzeneko ekitaldien programa bat egon zen. Elisa Artetak "Bailar una partitura" performancea egin zuen erakusketaren inaugurazioan, eta "Escribir el aire" izenburupean hitzaldi bat eman zuten Xabier Erkizia eta Ramón Andresek.

goen presentziarekin egindako mahai-inguru batek lanbide gogor hori ekarri zuten gogora.

Agoizko Musika Bandaren udaberriko kontzertuan, Musika Bandarako errepertorioko konpositore garrantzitsuenetako batzuen piezak jo zituen, eta horri esker musika-talde horrek eskaintzen dituen aukerez gozatu ahal izan zen.

Kultur Etxean aurkeztu zen "Iratira bidaia. Emakumeen lorratzak", Irati ibaian zeharreko bidaiari-koadernotxo ilustratuen bilduma. Emakumeek historian zehar izan duten

ikusgai egon zen Kultur Etxeko areto handia formaz eta kolorez bete zuten. Erakusketa maiatzearen 29tik ekainaren 8ra bitartean egon zen.

«Siremo» obraren antzezpeneak bukaera eman zion «Antzerki bat baino gehiago» eskolaz kanpoko jarduerari, Guraso Elkarteak antolatatu eta Ainara Blascok zuzentzen duena. Aurten 45 ikaslek parte hartu dute bertan. Sarrerekin lortutako dirua ADANOri eman zioten. Zalantzarik gabe, arrazoi bikaina izan da antzerkigintzan murgiltzen hasteko.